



[www.BibleForChildren.org](http://www.BibleForChildren.org)



John 14



Yiisa din betib a, “I daa mɔk parbiiri. Teent Yennu yada, ki mun teenin yada. Diit bonchiann be n Baa Yennu ŋaak, ki n kun maa n saa teen i diit siir. Li-i bonni kii tee barmonii, n bo kan betini. Ki mi-i kun ki saa teen diit na siir ki gbenn, n bia saa jenna ki tan jii-i, ki i tan sii be siaminba ki n be na.”



Ton, min Joonn nba tee i naa bik, ki taan nani ki di  
biak nan sukuru Yiisa paak na, maa din lin ki  
moontir Yennu maan, nan Yiisa barnanii


na paake, ki bi jiin ki  
saan nanin Patmos tin




nba ki nyun  
lintir na ni.




Li taakpaak ni, ki Yennu Seyeen na fiir n ni, ki n la ki  
soo kar naangbouŋ paak Yendouŋ ni, ki u numm po  
nyirii nan tanbinyinyira nba daauk paar ki bi yir jasper  
nan kaneliann na, ki naatoruk boon ki lint naangbouŋ  
na, ki naatoruk manj tee nan  
bonbonwuwur na.




Ki linba kur Yennu din nan, ki li be sanpaapo, nan tingboun na ni, nan kpeentiŋ, nan linba be mɔkgbenja ni na, n gbat bi kur yeen a, “Paku nan baakir nan dontir nan paŋ kur-ii be wunba kar naangboun na paak nan Pegann na paak mɔkmɔk nan mɔkmɔk.”



Ki n la Yennu doo nba tee Jerusalem paann na, ki li nyii Yennu boor Yendouŋ ni, ki siik, ki tee nan pooyookir nba tuu teen siir ki fanjit u mɔŋ ki tookit joo nba yaa wun kooŋo na.



Ki n gbat ki kunkɔsaakar nyii naangbouŋ na boor ki yeen a “Nnara, Yennu ŋaak ji be nisaarii boore, ki ŋɔɔ Yennu sii be namm, ki bi sii tee u niib, ki ŋɔɔ Yennu mɔŋ sii be bi boor ki tee bi Yennu, ki saa fiar ninnyuut kur bi numm po; ki kuun, koo parbiir, koo mɔnii, koo tont ji sii kaa, kimaan bonkpera na kur gara.”




Li yoo ki malaka na wannin mɔkir nba mɔk manfoor nyun na, ki li nyi Yennu nan Pegann na naangbouŋ na ni, ki yeen nan mianu na, ki puub gaar doo na sonjosinsuuk ni, ki tiik nba ki bi yir manfoor tiik na see mɔk-kpinii ŋanlee na kur po; ki tiik maŋ loon loona booru piik nan ŋanlee, ki binn nɔɔk ni ki li loon taar piik nan munlee, li loone ŋmaarik kur ni; ki li faat na tee tebuk ki tur nibooru kur.





Ki doo maŋ ki loon ŋmaarik koo yonnu yentu, kimaan yabint Yennu baakchion nae tee li yentu, ki Pegann na mun tee li fitir.




Linba tee jakint, nan  
wunba tuun fei toonn,  
nan fai damm, kan koo  
doo manj ni, see binba  
sana sob Pegann na  
manfoor gbouj na ni  
kuukooe saa koo  
doo manj ni.



Ki n gbat ki kunkɔsaakar nyii  
naangbouŋ na boor ki yeen a  
“Nnara, Yennu ŋaak ji be nisaarii  
boore, ki ŋɔɔ Yennu sii be  
namm, ki bi sii tee u niib, ki ŋɔɔ  
Yennu mɔŋ sii be bi boor ki tee  
bi Yennu, ki saa fiar ninnyuut kur  
bi numm po; ki kuun, koo parbiir,  
koo mɔnii, koo tont ji sii kaa,  
kimaan bonkpera na kur gara.”




Yennu nba por linba mɔb, li ji kii be doo maŋ ni; Yennu nan Pegann na naangbouŋ maŋ sii be doo maŋ ni, ki u toontunna na sii jiantiro. Ki bi saa la u numm po, ki u sann saa sob bi yugbia paak.




Ki n la binba din kpo, nijaana nan tarii na, ki bi see naangbouŋ na tɔɔnn po; ki sɔɔ pɔbit gbant, ki bia pɔbit gbounleer nba ki bi sɔɔ binba mɔk manfopaann na sana. Ki Yennu bu binba kpo na buut, ki li waa bi toona nba tee bianjinba, ki li sɔɔ gbant manŋ ni.

Ki wunba sann din ki sɔɔ binba mɔk manfopaann na gbouŋ na ni, bi saa lu-u bootsunsunŋ nba ki muu gbee lenŋ na nie.



Tɔn, ki Yennu Seyeen nan Pegann na pooyookir na yet a “Baat.” Ki wunba gbatir n mun yet a “Baat.” Ki wunba kur ki nyunnyukuru sooro, wun baar; ki wunba loon nyun maŋ, wun gaar yann.



Kimaan Yennu mantik loon tingboun  
na bonchiann; li paak, ki u turit u  
Biyemmir, ki wunba teen u Bija man  
yada, u tan kan koo muu ni,  
naan u sii mok manfoor nba  
kaa gbennue.



Rom Teeb 3:23 kimaan nisaarii kur tun toonbiit ki ki be fanu nan Yennu nba loon bianjinba na.

Rom Teeb 6:23 Kimaan biit nyoot tee kuume, naan Yennu piinii tee manfoor nba kaa gbennue, ti Yomdaano Yiisa Masia paak.

Hiibru teeb 9:27 Yennu senn a see ki niro kur n kpo yomkoo, ki li poorpo ki wun bu u buut.

Efesus teeb 2:8,9 Yennu ninbatinu na paake ki i tinn, kimaan yaa teen Masia yada na.

Soo kan fit nyu bara li paaki, kimaan li ki tee u tior toona paak kaa; li tee Yennu piiniie.





Rom Teeb 10:9,10 Li-i tee ki a set pak a mob ni ki yet a Yiisa tee Yomdaano, ki bia teen yada a par ni nan Yennu set fiino kuun ni, Yennu saa tinnawa.

Kimaan niro nba teen Yiisa yada u par ni na paake, ki Yennu yet a u tee niqano u toonn, waa pak kat na paake ki u la tinnu.

Joonn 3:16,17 Kimaan Yennu mantik loon tingbouŋ na bonchiann; li paak, ki u turit u Biyemmir, ki wunba teen u Bija maŋ yada, u tan kan koɔ muu ni, ŋaan u sii mok manfoor nba kaa gbennue, kimaan Yennu nba din tun u Bija tingbouŋ na ni, u din ki tumo a wun tan bu tingbouŋ na niib buut ki biirib kaa, ŋaan u din yaa wun tinnibe.



1 Joonn 5:11-13 Yennu siara maŋ tee nnae:  
a u turit manfoor nba kaa gbennu,  
ki manfoor maŋ nyii u Bija Yiisa nie.

Wunba gaa nan Yennu Bija na, ɲɔɔe mɔk  
manfoor maŋ; ɲaan wunba ki gaa nan Yennu  
Bija maŋ-i, u ki mɔk li manfoori.

N sobin gbouŋ na ki teen yimm nba teen Yennu  
Bija yada nae, kimaan n loon ki i bann nan i  
mɔk manfoor nba kaa gbennu.



John 14; 2 Kor. 5; Fiitu 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Bimoba Bible (bim) © 2003,  
Wycliffe Bible Translators, Inc.

<https://live.bible.is/bible/BIMWBT/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

